

**Hysbysiad preifatrwydd yn ymwneud â
phrosesu data personol, gan gynnwys
delweddau a recordiadau, mewn perthynas
ag achlysuron a gweithgareddau ysgol**

(Fersiwn 1.1 – er 21.02.2023)



MAE EICH DATA O BWYS

YOUR DATA MATTERS

Ynglŷn â'r Hysbysiad Preifatrwydd yma

Mae'r hysbysiad preifatrwydd yma'n ymwneud â phrosesu data personol gan ysgolion cynradd, uwchradd ac ysgolion pob oed yn Rhondda Cynon Taf (RhCT) sy'n cael eu cynnal gan yr awdurdod lleol (Cyngor Bwrdeistref Sirol Rhondda Cynon Taf neu CBSRhCT). Mae hefyd yn ymwneud â phrosesu data personol gan ysgolion ffydd yn RhCT sy'n cael eu hariannu'n wirfoddol.

Cliciwch [yma](#) am restr lawn o'r ysgolion y mae'r hysbysiad preifatrwydd yma'n berthnasol iddyn nhw.

Caiff yr hysbysiad preifatrwydd yma ei ddarparu gan CBSRhCT ar gyfer ysgolion o dan Gytundeb Lefel Gwasanaeth diogelu data, ac ar eu rhan.

Cyflwyniad

Bwriad yr hysbysiad preifatrwydd yma'n darparu gwybodaeth am sut y bydd yr ysgol yn defnyddio (neu'n 'prosesu') data personol am unigolion gan gynnwys delweddau a recordiadau, at ddiben cofnodi, dogfennu, hyrwyddo a dathlu achlysuron a gweithgareddau sy'n gysylltiedig â'r ysgol.

At ddiben yr hysbysiad preifatrwydd yma, gall achlysur a gweithgaredd ysgol gynnwys, ond heb fod yn gyfyngedig i:

- Cyngherddau a pherfformiadau ysgol
- Achlysuron chwaraeon, e.e. mabolgampau, gemau rygbi, pêl-rwyd ac ati
- Achlysuron codi arian, e.e. ffeiriau, noson gwis, ac ati
- Teithiau ysgol ac ymweliadau â safleoedd
- Achlysuron o ddathlu, e.e. seremoni wobrwyo

Dydy'r hysbysiad preifatrwydd yma ddim yn cwmpasu prosesu data personol sy'n cael eu casglu gan:

- Systemau teledu cylch cyfyng yn yr ysgol
- Delweddau wedi'u cofnodi a recordiadau wedi'u gwneud at ddibenion asesu ac arholi
- Ffotograffau wedi'u tynnu a recordiadau wedi'u gwneud at ddefnydd personol rhiant, er enghraifft mewn cyngerdd ysgol

Dylech chi ddarllen yr hysbysiad preifatrwydd yma ynghyd â hysbysiad preifatrwydd diogelu data cyffredinol yr ysgol:

Y Rheolwr Data

Yr ysgol yw'r rheolwr data ar gyfer y data personol rydyn ni'n ei brosesu, oni nodir yn wahanol. Mae hyn yn cynnwys y data personol sy'n cael ei brosesu gan y Corff Llywodraethu, pennaeth, llywodraethwyr unigol, athrawon, cynorthwywyr addysgu a staff cymorth ac ati.

Mae'r ysgol wedi'i chofrestru gyda'r Swyddfa'r Comisiynydd Gwybodaeth yn rheolwr.

Sut i gysylltu â ni ynglŷn â materion neu bryderon diogelu data

Arweinydd Diogelu Data'r ysgol yw'r prif bwynt cyswllt ar gyfer materion diogelu data. Mae modd cysylltu â'r Arweinydd Diogelu Data gan ddefnyddio ein dulliau cyswllt arferol; dros y ffôn, e-bost, drwy'r post a drwy alw heibio yn yr ysgol. Cliciwch [yma](#) am fanylion cyswllt.

Y Swyddog Diogelu Data

Mae CBSRhCT yn darparu gwasanaeth cymorth diogelu data i'r ysgol o dan Gytundeb Lefel Gwasanaeth, gan gynnwys darparu Swyddog Diogelu Data.

Mae modd cysylltu â'r Swyddog Diogelu Data mewn perthynas â materion diogelu data. Fodd bynnag, rydyn ni'n eich annog chi i gysylltu â'r ysgol yn y lle cyntaf. Os bydd angen i chi gysylltu â'r Swyddog Diogelu Data yn uniongyrchol mae modd i chi wneud hynny drwy e-bost i'r cyfeiriad e-bost canlynol:

- Rheoli.Gwybodaeth@rctcbc.gov.uk

Rydyn ni'n argymhell, wrth i chi gysylltu â'r Swyddog Diogelu Data, eich bod chi'n anfon copi o'r ohebiaeth at yr ysgol, a hithau'n rheolwr data.

Y mathau o ddata personol rydyn ni'n eu prosesu

Mae'n bosibl y byddwn ni'n prosesu'r categorïau canlynol o ddata personol at ddiben cofnodi, dogfennu, hyrwyddo a dathlu achlysuron a gweithgareddau sy'n ymwneud â'r ysgol:

- Delweddau
- Llais/Sain
- Manylion personol sylfaenol megis enw, dosbarth, blwyddyn, ac ati
- Manylion sy'n benodol i achlysur neu weithgaredd, e.e. mewn perthynas â seremoni wobrwyo disgybl, manylion cyflawniad y mae'r wobrw yn berthnasol iddo

Y mathau o ddata personol rydyn ni'n eu prosesu

Mae'n bosibl y byddwn ni'n prosesu data personol yr unigolion sy'n hwyluso, cymryd rhan, neu fynychu'r achlysur neu'r gweithgaredd. Mae modd i'r wybodaeth yma gynnwys, ond heb fod yn gyfyngedig i:

- Disgyblion
- Rhieni, cynhalwyr, gwarcheidwaid, ac ati
- Staff yr ysgol
- Llywodraethwyr
- Ymwelwyr
- Gwirfoddolwyr
- Hebryngwyr
- Y rheiny sy'n mynychu
- Darparwr a/neu hwylusydd yr achlysur/gweithgaredd

Pam rydyn ni'n prosesu data personol

Rydyn ni'n prosesu'r data personol er mwyn:

- cadw dogfen a chofnod o'r achlysur neu'r gweithgaredd
- dathlu llwyddiant neu gyflawniad disgybl, aelod o'r staff, dosbarth neu'r ysgol
- hyrwyddo'r ysgol
- hyrwyddo'r achlysur neu'r gweithgaredd
- cyfathrebu â rhieni, disgyblion, ac ati

Mae'n bosibl y byddwn ni'n gwneud hyn gan ddefnyddio:

- arddangosfeydd yn yr ysgol, e.e. hysbysfyrddau, arddangosfeydd
- prosbectws yr ysgol a chyhoeddiadau eraill
- cyfryngau cymdeithasol yr ysgol
- gwefan yr ysgol
- cyfathrebu â rhieni
- cylchlythyr yr ysgol
- y cyfryngau, e.e. papur newydd lleol

Ein sail gyfreithiol ar gyfer prosesu'r data personol:

O dan y Rheoliadau Diogelu Data Cyffredinol (GDPR), ein sail gyfreithlon ar gyfer prosesu'r data personol at ddiben cofnodi, dogfennu, hyrwyddo a dathlu achlysuron a gweithgareddau sy'n ymwneud â'r ysgol yw:

Disgyblion

- **Caniatâd** – Erthygl 6 (a)— bod yr unigolyn wedi rhoi caniatâd clir i ni brosesu ei ddata personol at ddiben penodol.

Mae modd cael caniatâd gan y rhiant, cynhaliwr neu warcheidwad yn dibynnu ar oedran y plentyn.

Rhieni, staff, ymwelwyr, y rheiny sy'n mynychu, hebryngwyr, ac ati

- **Tasg Gyhoeddus** – Erthygl 6 (e) – prosesu sy'n angenrheidiol ar gyfer cyflawni tasg er budd y cyhoedd neu arfer awdurdod swyddogol sydd wedi'i roi i'r rheolwr.

Caiff yr hawl ei roi i unigolion wrthwynebu prosesu eu data personol ar ddechrau'r gweithgaredd.

Gan bwy ac o ble rydyn ni'n casglu data personol?

Rydyn ni'n cael y data personol yn uniongyrchol oddi wrth yr unigolion yn ystod yr achlysur neu'r gweithgaredd.

Gyda phwy mae data yn cael eu rhannu?

Mae'n bosibl y byddwn ni'n rhannu'r data personol, gan gynnwys delweddau a recordiadau fel a ganlyn, at ddiben hyrwyddo a dathlu achlysuron a gweithgareddau sy'n gysylltiedig â'r ysgol:

- Darparwr yr achlysur a/neu'r gweithgaredd
- Y cyfryngau, e.e. papur newydd lleol

Proseswyr data

Mae proseswr data yn gwmni neu sefydliad sy'n prosesu data personol ar ran rheolwr. Mae'r ysgol yn defnyddio proseswyr data sy'n darparu gwasanaethau i ni. Y categorïau o broseswyr data y mae'r ysgol yn eu defnyddio mewn perthynas â chofnodi, dogfennu, hyrwyddo a dathlu achlysuron a gweithgareddau sy'n gysylltiedig â'r ysgol yw:

- Cyflenwyr systemau/darparwyr gwasanaeth TG cyffredinol
- Ffotograffydd yr ysgol (os caiff y gwaith ei roi ar gontract allanol)
- Darparwr gwefan yr ysgol (os caiff manylion yr achlysur neu'r gweithgaredd eu cyhoeddi ar-lein)
- Darparwr y plattform cyfryngau cymdeithasol (os caiff manylion yr achlysur neu'r gweithgaredd eu cyhoeddi ar y cyfryngau cymdeithasol)
- Darparwr y gwasanaeth cyhoeddi, e.e. y cwmni sy'n dylunio ac argraffu prospectws yr ysgol

Mae ein proseswyr data yn gweithredu ar ein cyfarwyddyd ni yn unig. Does dim modd iddyn nhw wneud unrhyw beth gyda'r data personol oni bai ein bod ni wedi eu cyfarwyddo i wneud hynny. Fyddan nhw ddim yn rhannu'r wybodaeth personol ag unrhyw sefydliad ar wahân i ni nac yn ei defnyddio at eu dibenion eu hunain. Byddan nhw'n ei dal yn ddiogel ac yn ei chadw am y cyfnod rydyn ni wedi'u cyfarwyddo i wneud hynny.

Os oes gyda chi ymholiad penodol yn ymwneud â'n proseswyr data, cysylltwch â'r Swyddog Arweiniol Diogelu Data.

Am ba mor hir y byddwn ni'n cadw'r data personol?

Bydd cofnodion o achlysuron a gweithgareddau'r ysgol yn cael eu hadolygu o bryd i'w gilydd gan gynnwys recordiadau a ffotograffau. Lle nad oes angen delweddu neu recordiadau mwyach at ddibenion busnes neu o ddiddordeb hanesyddol, byddan nhw'n cael eu dinistrio'n ddiogel.

Eich hawliau o ran diogelu data

O dan gyfraith diogelu data, mae hawliau gyda chi y mae angen i ni eich gwneud chi'n effro iddyn nhw. Mae'r hawliau sydd ar gael i chi yn dibynnu ar ein rheswm dros brosesu eich data personol.

Eich hawl i weld eich data personol

Mae'r hawl gyda chi i ofyn i ni am gopiâu o'ch data personol. Mae'r hawl yma'n berthnasol ar bob adeg. Mae rhai eithriadau, sy'n golygu efallai na fyddwch chi'n derbyn yr holl ddata rydyn ni'n ei brosesu bob amser. [Mae modd i chi ddarllen rhagor am yr hawl yma ar wefan Swyddfa'r Comisiynydd Gwybodaeth.](#)

Eich hawl i'ch data gael ei gywiro

Mae'r hawl gyda chi i ofyn i ni gywiro data personol sy'n anghywir yn eich barn chi. Hefyd, mae gyda chi'r hawl i ofyn i ni gwblhau data sy'n anghyflawn yn eich barn chi. Mae'r hawl yma'n berthnasol ar bob adeg. [Mae modd i chi ddarllen rhagor am yr hawl yma ar wefan Swyddfa'r Comisiynydd Gwybodaeth.](#)

Eich hawl i gael eich data wedi'i ddileu

Mae'r hawl gyda chi i ofyn i ni ddileu eich data personol mewn rhai amgylchiadau. [Mae modd i chi ddarllen rhagor am yr hawl yma ar wefan Swyddfa'r Comisiynydd Gwybodaeth.](#)

Eich hawl i gyfyngu ar sut mae sefydliadau'n defnyddio'ch data

Mae'r hawl gyda chi i ofyn i ni gyfyngu ar brosesu eich data personol mewn rhai amgylchiadau. [Mae modd i chi ddarllen rhagor am yr hawl yma ar wefan Swyddfa'r Comisiynydd Gwybodaeth.](#)

Eich hawl i wrthwynebu'r defnydd o'ch data

Mae'r hawl gyda chi i wrthwynebu i ni brosesu eich data personol mewn rhai amgylchiadau. [Mae modd i chi ddarllen rhagor am yr hawl yma ar wefan Swyddfa'r Comisiynydd Gwybodaeth.](#)

Eich hawl i drosglwyddo data

Mae hyn ond yn berthnasol i ddata personol rydych chi wedi ei roi i ni. Mae'r hawl gyda chi i ofyn i ni drosglwyddo'r data personol rydych chi wedi'i roi i ni o un sefydliad i'r llall neu ei roi i chi. Mae'r hawl yma ond yn berthnasol os ydyn ni'n prosesu'r data personol yn seiliedig ar eich caniatâd neu o dan ymrwymiad i gontract, neu wrth drafod derbyn contract, a bod y prosesu'n awtomataidd.

[Mae modd i chi ddarllen rhagor am yr hawl yma ar wefan Swyddfa'r Comisiynydd Gwybodaeth.](#)

Does dim rhaid i chi dalu am arfer eich hawliau. Mae mis gyda ni i ymateb i'ch cais o'r dyddiad y caiff eich cais ei ddilysu. Mae modd i ni ymestyn y cyfnod yma am ddau fis arall os yw'r cais yn gymhleth neu os byddwn ni'n derbyn nifer o geisiadau gennych chi.

Cysylltwch ag Arweinydd Diogelu Data'r ysgol os ydych chi'n dymuno gwneud cais.

Eich hawl i wneud cwyn i'r ysgol ynghylch diogelu data

Mae'r hawl gyda chi i gwyno i'r ysgol os ydych chi o'r farn nad ydyn ni wedi trin eich data personol yn gyfrifol ac yn unol ag arfer da.

Os oes gennych chi bryder, rydyn ni'n eich annog i gysylltu â'r Arweinydd Diogelu Data yn y lle cyntaf. Mae modd datrys y rhan fwyaf o bryderon yn gymharol gyflym trwy ffonio neu e-bostio'r ysgol. Os hoffech chi wneud cwyn ffurfiol mae modd i chi wneud hynny drwy ein polisi cwynion.

Eich hawl i wneud cwyn i'r Swyddfa'r Comisiynydd Gwybodaeth ynghylch diogelu data

Mae modd i chi hefyd gwyno i Swyddfa'r Comisiynydd Gwybodaeth os ydych chi'n anfodlon â sut rydyn ni wedi defnyddio'ch data, ond rydyn ni'n eich annog chi i gysylltu â ni yn y lle cyntaf.

Dyma fanylion cyswllt Swyddfa'r Comisiynydd Gwybodaeth:

- Cyfeiriad: Information Commissioner's Office, Wycliffe House, Water Lane, Wilmslow, Cheshire, SK9 5AF
- Rhif y Llinell Gymorth: 0303 123 1113
- Gwefan: <http://www.ico.org.uk>

Rheoli'r fersiwn

Rhif y Fersiwn	Dilys o	Dilys hyd at	Sylwadau
1.0	16.08.2022	21.02.2023	Llunio'r ddogfen. Y ddogfen derfynol.
1.1	21.02.2023		Adolygwyd 21.02.2023 yn unol â gwelliant i fersiwn Saesneg.